



Broj: 05-1902-4/17  
Sarajevo, 16. 06. 2017. godine

Na osnovu člana 64. stav (1) tačka b) Zakona o javnim nabavkama („Službeni glasnik BiH“, broj 39/14, u nastavku: Zakon), člana 70. stav (1), (3) i (6) Zakona, člana 8. stav 2. tačka d) Pravilnika o uspostavljanju i radu Komisije za nabavke („Službeni glasnik BiH“, broj 103/14), preporuke Komisije iz Zapisnika o pregledu i ocjeni ponuda, broj: Broj: 05-1902-3/17 od 12. 06. 2017. godine i člana 22. Statuta Agencije za bankarstvo Federacije BiH („Službene novine Federacije BiH“, broj 42/04), direktor Agencije za bankarstvo Federacije BiH donosi

## **ODLUKU**

### **o izboru najpovoljnijeg ponuđača u postupku javne nabavke roba – tonera**

#### **Član 1.**

Prihvata se preporuka Komisije za provođenje postupka javne nabavke roba – tonera za potrebe Agencije za bankarstvo Federacije BiH (u nastavku: ugovorni organ) broj i datum iz uvodnog dijela ovog akta i okvirni sporazum za predmetnu javnu nabavku dodjeljuje se društvu EXCLUSIVE d.o.o. Zenica.

#### **Član 2.**

Ukupna ponuđena cijena predmetnih roba iz člana 1. ove odluke, iznosi 25.570,00 KM, bez poreza na dodanu vrijednost (PDV), što u konačnici, s uračunatim PDV-om, iznosi 29.916,90 KM.

#### **Član 3.**

Po okončanju roka za žalbu, ugovorni organ će s izabranim ponuđačem zaključiti okvirni sporazum na vrijednost predviđenu Tenderskom dokumentacijom, kojim će regulisati međusobna prava i obaveze.

#### **Član 4.**

U skladu s članom 70. stav (6) Zakona, Ugovorni organ objavit će ovu odluku na svojoj internetskoj stranici [www.fba.ba](http://www.fba.ba), istovremeno s upućivanjem iste ponuđačima koji su učestvovali u ovom postupku.

#### **Član 5.**

Ova odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, saglasno članu 71. stava (2) Zakona.

## **O B R A Z L O Ž E N J E**

Odlukom o pokretanju postupka javne nabavke tonera, broj: 05-1902/17 od 08. 05. 2017. godine, odobreno je provođenje postupka nabavke predmetnih roba za potrebe ugovornog organa. Javna nabavka provedena je putem konkurentskog zahtjeva za dostavu ponuda s namjerom zaključenja okvirnog sporazuma s jednim ponuđačem, a kao kriterij za dodjelu okvirnog sporazuma odabara se najniža cijena tehnički prihvatljive ponude.

U skladu s odredbama člana 35. Zakona, Obavještenje o nabavci broj: 3010-7-1-118-3-25/17 objavljeno je na portalu javnih nabavki 16. 05. 2017. godine. Procijenjena vrijednost javne nabavke utvrđena je u iznosu od 25.641,00 KM – bez poreza na dodanu vrijednost (PDV).

U skladu s Odlukom ugovornog organa imenovana je Komisija za javne nabavke, kojom su definisane njene nadležnosti, koje uključuju poslove otvaranja, pregleda i ocjene ponuda, te davanje preporuke za odabir najpovoljnije ponude.

Slijedom navedenog, Komisija je u okviru svojih nadležnosti i ovlaštenja provela predmetni postupak nabavke, te o tome sačinila Zapisnik o pregledu i ocjeni ponuda u kojem je utvrđeno da su po predmetnom postupku evidentirane tri pravovremeno pristigle ponude.





Na osnovu izvršene analize i ocjene pristiglih ponuda u pogledu kvalifikacijskih i cjenovnih uslova nadmetanja, komisija je utvrdila:

- da je ponuda ponuđača EXCLUSIVE d.o.o. Zenica kvalifikovana i prihvatljiva za ugovorni organ, te da su dostavljeni svi traženi dokazi propisani tenderskom dokumentacijom, na propisan način;
- da se ponude ponuđača DEFTER d.o.o. Sarajevo i SVJETLOST-SARS d.o.o. Sarajevo odbacuje na osnovu člana 68. stav (1) i (4) Zakona,

iz razloga što navedeni ponuđači nisu ispunili zadane uslove i zahtjeve iz Tenderske dokumentacije (u nastavku: TD).

U ponudama navedenih ponuđača evidentirane su slijedeće nepravilnosti:

- Ponuđač DEFTER d.o.o. Sarajevo u Prilogu 5 – u Izjavi o ispunjenosti uslova iz člana 47. Zakona o javnim nabavkama BiH vršio je ispravku broja obavještenja o nabavci na način da ispravka nije potvrđena potpisom i datumom izvršene ispravke, što je u suprotnosti s tačkom 14. (Način pripreme ponude) TD, te članom 18. Uputstva za pripremu modela TD i ponuda;
- Ponuđač SVJETLOST-SARS d.o.o. Sarajevo nije ispunio kvalifikacijske uslove u dijelu koji se odnosi na tehničku i profesionalnu sposobnost ponuđača, obziroma da navedeni ponuđač nije dostavio tražene uzorke za stavke iz obrasca za cijenu ponude, a što je u suprotnosti s tačkom 10.4. (Tehnička i profesionalna sposobnost – članovi 48. i 49. Zakona - dostavljanje uzoraka uz ponudu) TD.

U postupku donošenja ove odluke posebno su cijenjene činjenice da je komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu s kriterijima iz TD.

U postupku ocjene provedenog postupka, ocijenjeno je da je komisija u svemu pravilno postupila te da je izbor najpovoljnijeg ponuđača izvršen u skladu sa Zakonom, podzakonskim aktima i TD.

Uvidom u priloženu dokumentaciju vidljivo je da je izabrani ponuđač najbolje ocijenjen na osnovu zadanih kvalifikacijskih i cjenovnih uslova nadmetanja, pa je komisija dala preporuke da se istom, saglasno članu 69. stav (1) tačka a) Zakona, dodijeli ugovor u predmetnom postupku javne nabavke ove robe.

Uvažavajući sve navedeno, primjenom člana 64. stav 1. tačka b) Zakona, člana 25., člana 70. stavovi 1., 3. i 6. Zakona i člana 8. stav 2. tačka d) Pravilnika o uspostavljanju i radu komisije za nabavke („Službeni glasnik BiH“, broj 103/14) i člana 22. Statuta ugovornog organa, odlučeno je kao u članu 1. ove odluke.

#### POUKA O PRAVNOM LIJEKU:

Protiv ove odluke može se izjaviti žalba Ugovornom organu – Agenciji za bankarstvo Federacije BiH, najkasnije u roku od 5 (pet) dana od dana prijema ove odluke, saglasno članu 97. i 101. Zakona.

Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.

Dostaviti:

- svim učesnicima u postupku
- a.a.

